

同治常甯志卷一

沿革

天象

疆域

山水

沿革

唐虞夏商周荆州地

戰國楚地

謹案春秋大事表云春秋時楚地不到湖南舊志以春秋時屬楚者混

秦耒縣地屬長沙郡

謹案舊志謂秦縣無考今據元和郡縣志常甯本秦耒縣地

漢耒陽縣地屬荊州桂陽郡

吳分耒陽置新甯新平二縣屬湘東郡

晉太元二十年省新平入新甯縣屬湘州湘東郡

同治常甯志

卷一

沿革

宋齊梁陳新甯縣屬湘州湘東郡

謹案舊志謂宋改新甯為常甯考宋書州郡志無之舊志謂齊復以常甯為新甯而明一統志萬曆湖廣總志並謂陳復曰新甯其說互異元和郡縣志謂吳分耒陽置新平宋元徽中三洞蠻抄掠州縣移就江東因蠻寇止息遂號新甯其說更異皆不足據也

隋新甯縣屬衡山郡

唐天寶元年改新甯為常甯縣屬江南西道衡州

謹案天寶元年改縣名之同者其時有兩新甯縣一即今四川之新甯故改此新甯為常甯康熙湖廣通志謂唐開元初名宜江後復名常甯與新舊書地理志皆不合殆以舊書有開元九年治宜江之文因譌治為名也

梁唐晉漢周常甯縣屬楚

宋常甯縣屬荊湖南路衡州

元至元十九年升為常甯州屬湖廣行省嶺北湖南道

明洪武三年復為常甯縣屬湖廣布政使司衡州府

國朝康熙三年常甯縣屬湖南布政使司衡州府雍正十

一年分桂陽州五十四戶地入常甯縣

天象

北極出地二十六度二十五分三十秒嘉慶湖南通志

分野入軫六度唐書地理志

入軫六度中百分度之二十一一分七千八百九十九萬

餘五百四十三秒太雍正縣志

謹案古稱荆楚星分翼軫唐志謂常甯入軫六度雍正縣志又細分之則有定度且不泛及翼宿也其於北斗

同治常甯志

卷一

天象

二

為璇星或曰權星或曰衡星於三台為上台下一星於天市垣為楚星於女宿南為楚星於五車為東南司空星於五緯為火星皆荆楚統同概置不錄而占驗之繁宮度之異並削焉惟北極出地測望有準非若分野尙可疑也

疆域

縣治在府西南百二十里由治中北至清泉縣界三十

里南至桂陽州界六十里東至耒陽縣界五十五里西

至祁陽縣界六十里東西廣一百一十五里南北袤九

十里自北東至西南一百三十里自東南至西北九十

里嘉慶縣志

縣之廣輪包山林川澤以旬股法四週得弦通計積得

五千八百七十五里開方算之不過方七十六里五分

雍正縣志

縣之形勢其在四境南界於山東界春水西界湘水折北而東春水會焉其在縣治宜水抱於西潭水抱於東而會於北山秀水環衡湘勝境也袁參嵐詩云雙流碧水懸明鏡萬疊青山照晚霞

山水 入景附

湘山在縣治東亦名盤龍山 一統志 風氣旁礴下有寺因

以湘山名之 湖廣總志 半在城內其絡自粵西興安之海陽

山沿湘而下至天堂峯半突起阿育塔為首東西兩翼

同治常甯志

卷一

疆域

山水

三

列如屏嶂互數百里茲其中絡之盡也 雍正縣志案縣之山脈來自九疑其首日塔山一名湘山黃帝所登上有天堂

焉茲山為塔山中絡之盡故亦名湘山互詳塔山記知縣謝仲玩湘山寓中題壁詩百里新甯氣象千湘山

憑眺勝當年建瓴壯繞雲間蝶懸磴雄依瀨下船嶺海歸程風雪外荆湖客夢館亭前憶來綠鬢今華髮中擲

光陰幾調遷薄宦初基老更休輿情依溯問來由隨車眾輒逾東郡入界吾何比細侯夾寺交鐘千室曉重

門警析一城秋等閒風土聊麤記誇示南邦汗漫遊

虎形嶺縣東負郭 乾隆府志 雄拔宛肖虎形 雍正縣志

東角嶺縣東半里又名春亭嶺 嘉慶通志 有

仙嶺縣東七里 乾隆府志 曲江之西嶺端有石巖內有荷池

石棋枰外有仙人足蹟詩刻一片 雍正縣志

李孝經仙嶺詩路向東門灣復灣石亭五里望孱顏春光湖外一輪水秋色村前數疊山洞古雲封仙客去棋

殘日夕野樵還年來每極登臨興莫作終南佳處看

蓮花嶺縣東十五里一統志

石嶺縣東二十里乾隆府志

大義山縣東三十五里一名東山一統志禪師淨訥始闢

蠶叢建至聖寺藏經樓月來軒燕窠塔院規制宏麗為

叢林冠其山縣互十餘里直矗雲霄中有毘盧峯金剛

嶺集賢臺朝源堤交殊屏峯雲臺天鼓牛眠老人五子

行孝諸石千佛安樂無憂解脫諸林皆淨訥所名也雲

壑風磴劇耐遊歷雍正縣志

段永曇題義山詩遊過羣山見此山洞天獨闢信清閑樓傳度世經三藏門枕降龍水一灣翠柏倚簷窗欲綠

同治常甯志

卷一

山水

四

殘碑臥草字猶斑權輿大士歸何處甯得佳名字宙開

吳奎遊大義山詩行行重行行煙竹一湖翠左旋入深

林沙徑曲而邃靈草滿巖阿息息香撲鼻透池同蛇行

不于不容騎豁然忽開朗洞天清景備羣山列糾紛昂

藏勢軒輕度過朝元隄循牆始近寺怪底法門邊蒼松

生石背偃蹇蟠老龍伸出擎雲臂入門訝古柏百尺顯

神異儼若華蓋張厯劫姿逾媚時有僧政司迎揖不擁

簞引入月來軒茶為傾芘莉為開羅漢堂為啓衣鉢櫃

同步接龍橋斜陽俛西陸良夜宿上方斷卻紅塵累夢

醒一聲鐘增人無限意努力加晨餐復為遊者帥載瞻

交殊峯翠律安敢覬乃作猿猴升攀藤心惴惴一拳突

空巾像與菩薩類僕夫誕先登我亦偶然試須臾躋其

顛安穩無踏躑上列五巨石聚頭等兒戲誰弟誰為兄

孝子永不匱再越幾由旬石齒森廉利方隅若砥平箕

踞頗無忌云是晒經石問誰啓

經笥長嘯睇蒼穹搔首獨翹企

婆婆巖縣東四十里中深數里有河不測所通產蓮花

牧豎樵夫嘗入見老嫗績因呼婆婆巖

崇柏嶺縣東四十五里瞰菱源河高數里嘉慶通志

毘帽峰縣東六十里高數千尋一統志峰高七里如卓筆

插天雍正縣志謹案總志作皮帽有元帝廟詳古蹟

興泉峰縣東南郭外形勢聳秀峰頂可坐百人中

有清泉一統志遇旱禱雨有應湖廣總志

逍遙山縣東南六十里一統志常甯有逍遙山輿地廣記縣互

透迤八十餘里俯臨舜菱諸水為湘山右輔之外垣盡

於菱源之盟峰雍正縣志衡淵稽古云重黎生二子太子長

琴始作風樂傷父見誅遁迹遙山即此山也其上有太

子嶺鳳凰山琴山嘉慶縣志謹案元豐九域志作遙逕山

同治常甯志 卷一 山水 五

劉植同友人遊逍遙巖詩結客尋幽勝登臨石磴懸荒藤盤曲澗峭壁瀉清泉皎皎雲中鶴微微洞裏天巖花間自放幾度夕陽煙

右縣東及東南之山

台山縣南五里三峰疊翠形如三台乾隆府志

雲巖縣南十五里南向塔山泉峰岡巒掩映為縣之勝

一統志翠秀遠映如列畫圖旁有古木槎枒佳禽鳴舞流

泉飛瀉巖側颯颯若理絲絃縣人殷銘讀書其中雍正縣志

滴水巖縣南十五里懸出兩峰間上有飛瀑嘉慶縣志

神仙嶺縣南二十里乾隆府志

寨子嶺縣南二十里為縣治文峰嘉慶縣志即了田寨昔人

避兵處石骨嶙峋多巖窟頂上雙了中象刻奇古

平山嶺縣南三十里乾隆府志

泉峰縣南三十里蜿蜒聳秀直上五里許山頂有泉甚

潔一統志

崔宏楸遊泉峰詩何年開截業即日數登臨寺擁層雲黑江流瘴洞陰高秋明縣郭絕頂踏飛禽為問神仙事茫茫嶺嶠深

謝仙巖在泉峰頂有樵者遇仙於此詳仙釋雍正縣志

漿田巖縣南三十里一統志洞壑深秀宋慶厯中仙尼真

慧居之歲時里社至今禱雩焉雍正縣志巖內有掣

凉水洞縣南三十里互石為戶外窄甚內逕丈許廣周

同治常甯志 卷一 山水 六

十餘丈旁闢袁門可深入水伏流窺之甚黑但聞汨然

聲急波濤遠撼不知所底嘉慶縣志

王萬瑩遊凉水洞詩危坐蒼茫別有天劈空開險不知年漫敲石火烹清句徐引山風激碧泉野色欲迷秋草露夕陽橫鎖洞門煙磨崖不盡閒遊興朗誦莊生第一篇

羊胖嶺縣南三十五里縣城山脈過峽處土人掘塘溉

田李孝經過此刊碑禁之冀後人加培焉

夫子岡縣南四十里雍正縣志

甲山縣南五十里聳秀如鎧甲雍正縣志

天倉巖縣南五十里東江源出此一統志謹案總志作天聰巖上有石廳

見天

金龍巖縣南五十里中有古觀因石架梁棟一統秀

為一縣甲乾隆

李繼聖金龍巖記巖距城南五十里余嘗聞其勝詢諸近巖之人皆言好好然不能盡其狀余疑焉戊寅冬乘肩輿往將至望山形如半月巖亦如半月高約二丈許廣約三丈許則巖口也口外石崖小屋為道士所棲巖深約七八丈直入分三窩前昂關於中昂關於後前窩有真武廟廟背為中窩稍暗後窩有水池水自右隅出漫黑不可窺瀉聲若殷雷急鼓立池畔寒氣森毛髮池後石壁下諦視若橫塘有沙岸高出水約二三尺長幾二丈旋波衝激卒如故循左壁作溝達於外成小澗又里許入大澗屈折而會宜水匯於湘其結為三窩也次第若覆大小釜窩頂各有巨穴若張華蓋玲瓏窟窿若推若覆大若瓔珞若鳥獸蟲魚種種不可名狀廟右一石孤聳高丈許下如墩中如鼎曲跨兩足上削其尖則三歧前尖具菩薩像旁二尖稍短若凭菩薩左右肩而侍立於其後導余者指前窩兩穴中云有鐘鼓石向道士索長竿仰擊之一穴石聲若鐘一穴石聲若鼓近廟

同治常甯志

卷一

山水

七

之前檐偏左有穴突出一石鱗鬣悉具儼然龍首也其金龍之所由名乎第龍不必藉金名而後重或曰金生水旱禱於此多驗然余終以為巖之靈不在此夫鱗蟲三百六十龍為之長即一萬形示象之處譎怪奇絕恍乎若運鬼工焉大小壁刻詩文十餘片漫漶難讀案款識似自有明人始發之前此無知之者故人能言之不能盡之也夫乃知造物有非常之結構造物之所為深祕也借使託蹟於通都大邑以人力增飾於其際豈不甚幸然而本質不完吟賞雜沓反不若此漫漶難讀者猶為杳渺莫測也賀允瑄金龍巖石鐘詩雲寶隱清溪函胡韻欲迷只應龍角聽還覺佛頭低古洞生幽趣靈巖愜靜棲可能忘俗累一叩夕陽西

大凹山縣南五十五里乾隆府志

紫雲巖縣南六十里鐵江口旁有二孔如鼻風出一熱

一涼嘉慶縣志

西江山縣南六十里樹木陰翳涓滴成流灌田百頃下

流與砭石水合嘉慶縣志

劉文藻西江山擊鼓峰詩雙峰對峙鎖潺湲不信塵寰別有天巨壑菁林蛇九首陰崖幽洞雪千年峒岷驚窟垂紳客古樹疑招跨鶴仙我欲遍尋雲霧窟芒鞋踏去鼓淵淵

塔山縣南六十里志一統山腰有白石七級如疊高七十

餘丈興地紀勝相傳阿育王疊石作塔處明統志上有古寺宋

真宗昇國公主棲真於此其山東跨大小猛洞西連柳

石南拱泗洲北抱湘江宜水從山而下嘉慶縣志有

段巖牛塔山記塔山者湘山之首也由湘山之麓三十里為桃源洞口初入甚窄山環如堵少間豁然開爽桑麻雞犬有桃花流水之致又五里為神仙洞洞口如囊而微括溪水至此伏流其中人物煙火之盛倍於桃

同治常寧志

卷一

山水

入

源又西南二里許為漿田巖水石尤幽奇元進士何元同碑載紫衣真慧仙尼之所棲息也由神仙洞歷級曲折而升二里許為半峯庵庵在道傍石谷間竹樹蒼翠從右臂曲徑至庵門可少憩又五里有嶺曰報鐘相傳宋仁宗時有公主為尼寄蹟茲山於此懸鐘一枚合遊者擊之以次遞傳瞬息可達今鐘亭基址猶存置土地祠其上亦著靈異由土地祠迂迴而降未及半水潺湲有聲者龍井溪也沿溪下行五里許為雙江口宜水自塔山下瀉與龍溪合流有石蹲江心狀如葫蘆土人曰雷所轟飛塔頂也其地頗平行有水田竹籬茅舍類神仙洞而微陜渡雙江而南行半里為講文寺寺久圯瓦礫礎石間桐乳垂垂矣由寺而上五里為清山又三里為望塔亭游人至此仰見石塔嶙峋半出天外春夏時諸峯瀑布繽紛如匹練競垂秋冬水涸則不復爾亭亦廢階砌宛然旁一小峯尖秀如筍壁立深淵由亭而下二里許至山麓陡絕無路不可登前渡板橋行數武折而涉水涉畢蜿蜒而升前行若履人頂後行若奉人足土人相傳從前一帶皆青琅玕砌光滑色澤沿邊有篆隸字太率皆督工官吏姓名苔蘚剝落不可辨今間有存者游人於此攀葛以躋昂瞻絕壁頽瞰虛化少不經

意便有不測之虞約三里始至塔所塔在山腰白石層累突兀崢嶸疑若鬼工藏典云昔阿育王疊石建釋迦真身舍利白玉淨相寶塔共在南瞻部州者十有九此其第九塔也上人言塔頂時放光明遠望如火近瞻則寂無所見疑即舍利光云其下有坪如掌外圓內方名拜塔亭可容十餘人膜拜塔之西南一峰聯絡九疑四洲諸山迴翔軒翥而來左帶瀟湘右襟春巖壁立霄漢前代鑿石為磴千盤百折至是則平者傾曲者直鳥道羊腸僅存一綫游人望之如海上三山縹緲天外不可復即土人云上有罡風雖盛夏非重繇則寒氣凜凜惟牧童樵豎年未二十捷如猿猴者可得至三十以上者弗得也又云少年時曾登絕頂俯視一切覺足下青雲籠罩羣峰遇雨霽雲淨極目湘海蒼茫無際若上晴下而則見上界清曠碧落如洗下界煙雨瀾漫山下人仰視亦擬其人身墮雲霧不知正在光天化日中固別有天也非人間世也其上石砥平可坐千人有池可二畝曰天堂或曰天堂言其如珠宮貝闕壯麗九天云爾或曰天堂者尊黃帝也昔黃帝南巡登湘山即此故其下有洞曰黃洞焉其西液麻天馬白竹盤古諸峯為湘山左輔盡江口之七里山東北白沙毘帽大義麂角諸

同治常甯志

卷一

山水

九

峯為湘山右障盡招河之盟峯蟬聯三百餘里與衡山埒攷史記黃帝南至於江登熊湘注引地理志云湘山在長沙益陽縣前漢書志益陽注云湘山在北又云在益水之陽正義又引括地志云湘山一名編山在岳州巴陵縣南十八里夫上古樸實非如後世附會假借其以湘命名者緣湘水所經且與湘源流合也案明志川之經益陽者為瀆江瀆江之分派為喬江喬江過長沙縣而後入湘瀆江過沅江縣而後入湘湘水固未嘗經其地也山鳥得名湘哉若巴陵之編山不過培塿耳且係九江已會之後與湘水絕不相蒙前漢郊祀志載秦祠嶠以東名山五湘山居一焉一葉編山鳥足以當之哉而括地志指為湘山不知其何所據也又攷湘源出粵西興安之海陽山山之沿湘而下者劃為二其支沿湘以西西有山名湘在全州脈盡於長沙之喬口其幹沿湘以東東有山亦名湘即茲山脈盡於江南之鐘山而衡嶽自燧人氏以火德王天下祝融氏分主茲土炎帝神農氏崩葬茶鄉世為天子巡狩地距茲土甚近非如全州之湘山介在窮源僻壤者比當時黃帝嗣興六龍南幸泛舟三湘登臨以望雲物俯眺洞庭張樂之野故至今堂尊以天洞紀以黃也天堂之下有水其陽一支

循石盤峯出潭口江為砭石水之源其陰悉從石隙中
迸出四溢里許匯為龍潭深不可測其下流即宜溪也
元延祐五年州尹牛公良佐禱雨於此有詩潭之左峯
列如屏委蛇而下彤家所謂仙橋障撼錫山者彷彿似
之有寺焉宋賜名能仁即公主逃禪處也潭之右為塔
塔之西隔一溪有巨石二奔湊相赴未合者纔尺許曰
仙人橋相傳有仙人驅石為此未竟工山神偽作雞鳴
而罷下臨萬仞人皆咋舌亦有跳而越者橋與塔對峙
塔下有洞曰羅漢運米巖父老云公主說法時左右僧
尼院各一可千人羅漢督山神運米出洞洞側有丹梯
盤旋而下甚敲仄夜半僧尼聞山神搬運齊力聲憐之
鑿使廣且直遂不復運至今鑿痕宛然石隙間嘗有米
顆流出自公主薨後一夕雷電交作神龍飛出與寺內
楚王殷賜宏通長老之銅鐘相鬪鐘不勝折其簷竝塔
頂入溪即雙江口所見者兩院遂洗為谷鐘亦隨波逝
沈埋於衡山之水流洲微露其頂為偽將馬成壁擊碎
其徒亦攜其寶冊衣鉢徙建桂陽之金仙別院惟寺基
存焉後雖重修規制陋小然而湘山之縣互塔勢之巖
籠千古一日固非徒如
魯殿靈光巋然獨存也

同治常甯志

卷一

山水

十

元知州牛良佐湘山禱雨詩當年誰識媧皇手培樓千
山出此峯山鬼效奇開佛觀野僧尋隱得靈蹤雲寒上
界低行雁歲久何人見老龍舊習漸銷清夢靜夜深虛
壑一聲鐘謹案此詩通志列縣治東湘山下茲據塔
山記列此詩云歲久何人見老龍指龍潭而言
可與龍潭碑參詳也亦可見塔山本名湘山矣

石羊山縣南六十里

一統志

白瀑峰縣南六十里有飛瀑如練

一統志

右縣南之山

鵝湖嶺縣西二里山勢自白竹峯迢遞而北二十餘里

乃逆折而南岡巒秀麗林木菁蔥宜江徑其陽水環如

玦有池廣數十畝曰鵝湖宋王居仁從張栻學歸立精

舍於此

嘉慶通志 鵝湖書院詳古蹟

坡山縣西三里太平山縣西五里兩山對峙一統志

玉女峰縣西五里嘉慶通志端莊秀媚前有小橫嶺如琴形

家呼為玉女撫琴雍正縣志

鹿角嶺縣西十五里

詹名實遊鹿角嶺棋枰石詩往事何須問南山不可移鳥來無舊樹仙去有殘棋局小乾坤大峯高日月推樵柯風雨爛馬上亦多時

白竹山縣西十五里產竹筍白如玉亦名白竹峰一統志

高三里許聳拔尖秀如卓筆絕頂有洞風颯然從中出

夏涼冬溫嘉慶通志

李廷賢白竹仙小傳邑西白竹山相傳有羽士日則遨遊村落夜不知其歸宿里中一童子入山山傍有穴窺

同治常甯志

卷一

山水

十一

之空洞明朗拳縮而入數十步得廣廈三間牖戶玲瓏羽士跌坐石墩廚竈食器雜列釜甌中騰騰有聲檢麥丸三枚手授之童子頗疑懼懷之出卵石也歸告家人趨視穴中石扇訇然閉矣山產白竹歲杪筍始生鄉人偶爾取之或可盈筐求則不滿一簪此其遺蹟云明末有一武弁來祝髮儀表魁梧足指駢比仙龕後常蟠一巨蛇出則脫履其上朝夕馴狎嗣瞽一目與客閒談忽云寺外虎至覘之果然此去輒搖尾去越十數年寄語比隣某日圓寂如期坐化神色不變將瘞昇機者驚其輕便異常啟視則空棺矣並塑像於剎中祠之

小東峰在白竹峰迤北十里高千餘丈南眺縣泊北窺

湘水嘉慶通志

盤古嶺縣西十五里上有盤古廟湖廣總志自小東峰逆折

而西五里許壁立如屏與白竹峰對峙嘉慶通志相傳盤古

嘗登此絕頂有巨石平闊可一畝兀坐其上萬化冥合

悠然與灑氣俱下乾隆府志

蒼名噩同兄弟招李蒼梧遊盤古詩盤古曩曩十五鰲
峭拔千尋稱神泉謝公履兼陶公酒十日補登九日高
凌霄氣豪格穹帝陸勅巽二下人世驅去蒼狗騰跋烏
伴呼少長齊舉袂咄哉龍鍾李仙翁青山瘠過阿祖雄
石徑蹇產羊腸曲疾行如嘶五花驄迫我選地躡山腹
高低橫鎖雨茅屋夫踞岡嶺吹白雲人在山隈芟黃菊
我渴思飲方覓泉劈面山童荷鋤旋酌我瓊漿詢我得
斗室桃源別一天搔首絕頂愈神往蜀道榛莽安得上
千于中輟復行行桐樹參差持杖鼓勇直躡最上頭
三峯蜿蜒類瀛洲劃然一嘯涼風起恍挾飛仙過蜃樓
惟茲昂藏歷四表俯看下界盡縹緲不少云云與亭亭
都作兒孫無大小諸兄向空遙揖揮方方極目是耶非
岩巖遠岫籠輕霧璀璨晴光走翠微相傳有庵躡中壘
愜予生晚對殘址古在今來幾千年桑田滄海類如此
噫嘻吁五侯今安在季倫終伏辜人生富貴花須與胡
不跨鸞龍騎蝶螭西陟崑崙東桃都又胡不走蜚廉鞭
列缺朝遊太華暮蒼梧周覽八
垓盪胸臆盤古之登其小乎

同治常甯志

卷一

山水

十三

陽荷嶺金仙嶺縣西十五里金仙嶺高二里上有石棋

枰仙人足蹟嘉慶通志

滴水巖縣西十五里乾隆府志

五龍山縣西二十里衡湘稽古云相傳金木水火土五

仙乘五色龍下駕山中羈其所御龍於山之北山崩谷

陷世稱羈龍坑嘉慶縣志

蚪蛇嶺縣西二十里蜿蜒曲折凡數里嘉慶通志地名東塘

縣志雍正俗呼走馬嶺下有吳氏杏花書院

四面山縣西二十六里

油榨嶺縣西二十六里賀烈婦投巖處

王漣過油榨嶺弔烈婦詩直捐軀命重閨貞巖鬼
湘靈吃一驚自有此山無此女江流為訴不平聲

鵝形嶺縣西二十六里

黃獼巖縣西三十里蛇行入深不測一池泓然禱雨輒
應

金盆嶺界牌嶺菜花嶺並縣西三十里嘉慶通志金盆嶺巖

窪然常蓄水故名雍正縣志

東山縣西三十里液麻山之東為湘山左輔之內垣盡

於江口之七里嶺嘉慶通志

紫衣巖縣西三十里奇峰矗立游者攀緣竹樹乃得至

其巔古木蚪偃藤蘿交蔭遠眺東南諸山若拱若揖嘉慶

同治常甯志

卷一

山水

七

通志謹案宋尼真慧嘗賜紫衣尸解於此

志故名紫衣巖俗名巖頭觀詳仙釋

李廷賢紫巖仙小傳紫巖仙不知何許人也明孝宗間

有紫衣道者來邑西之士橋即居人訪幽棲地居人指

前山故名紫巖者施之巉峭蒙茸虎豹出入紫衣徘徊

良久稽首謝去厥後不知所之越二年其徒聞訊至望

巖而登見石壁疊印鞮蹟若中郎倒屣狀以為雲遊他

處矣又歲餘有牧童遙聞磬聲呼樵者攀緣窺之紫衣

垂目跌坐顏似嬰童歸告鄰里咸往驗焉固叩不應再

四答曰知白守黑道貴昏默嗣是絕不復言一日婦女

相率禱求未戾巖空中作霹靂聲墜石塊覆其上約長

三尺寬二尺厚四寸許撼之亦復動搖然百人不能移

也天陰雨紫衣立雲霧

中若隱若見率以為常

獅子巖縣西三十里一統志由紫衣巖迤北為東山自東

山折而西二峰峭拔下瞰杉樹江水有巖懸出頂圓下

陡昂首如獅其陰盤踞雄偉頂背尾足畢具上有浮屠

精舍產茶甚佳

嘉慶通志

知縣張芳與劉夢白鄒紹聞尋獅子巖詩距春十日風
含潭紺巖開滿紅蓓薇捫葛崑崙得幽邃穿石詰曲忘
旋歸意行指顧多異色身到轉覺所歷非亦有後齒結
伴進惜無羽毛乘空飛山中老僧勸且住前路棘刺冒
人衣煙靄萬狀幽淵渡岡巒秀合平田肥摩挲蕙帶選
石踞爾我一笑情塵微小摘波稜飯雲子揮毫頌古書
扉山

香鑪山縣西三十五里石峰峭起高數十仞中有洞門

宜水逕此一大關鎖其上古木杈枒產九節菖蒲

神仙嶺縣西四十里高插雲霄人蹟罕到

貫嶺縣西四十里有觀音巖兵巖諸勝

郭興元貫嶺二巖記宅後山名貫嶺袤十餘里皆石戴
土突兀嵌空巖穴無窮深且奇者二其一觀音巖層石

同治常甯志

卷一

山水

十四

壘山半下有門深丈許長石側臥齒森森可梯旁一小
穴石踞其中若髡者跌坐巖所由名也瞻禮出數武得
平地內望空窿投以石聲轟然作蒲牢吼循坡而下有
奇石彷彿龍首鱗甲畧具水涓涓徑其前穿左壁去經
夏不涸超越之歷一斜坡坡盡得實側身入數十武外
頓寬廣聞波濤洶湧聲異之俄遇大水與湘通太堡米
艘壞內輒疎浮事或然也沿岸行仄處僅容趾愈進境
愈奇水或伏或見猝睹一石鬼面人而立髮豎返水中
魚見火潑刺荷葉大如盤擲之見日焦自巖出西行歷
十餘短陸至山麓復得一巖外數頑石門仄甚解衣偃
僕行約兩三弓有圓穴蛇行入內亦寬廣列石几石牀
左右束若者廬若者蓮房若者花蕊若者垂橐若者螭
蚪龍象若者皆石而乳錯落詭詭不可指以僂忽小巷
狹長幾半里如行複道中復寬廣與前等閒有鐵釜及
錯觸之成灰不知何年代過此有潭闊不滿尋水碧潄
石測之深不知底沿潭而右復寬廣可容數百人陰慘
慘氣逼肌膚石燕蝠紛來撲火乃返歧巷數十以炬
歷試風自外動搖之始得路土人因避兵是呼曰兵巖
觀音巖以遂兵巖以曲奇各出以地僻故無好奇士裹
糧糗縋索縷記詠歌之遂至今沈晦余亦性懶怯遊閒

逐隊一覽奇已若此
地靈詎有限乎哉

液麻山縣西四十五里一統志為湘山左輔之外垣盡於

河洲之浯洲嘉慶通志

洛山縣西六十里乾隆府志

東岡縣西南六十里雍正縣志

石壁嶺縣西北十里又五里有桃嶺嘉慶通志石壁嶺壁立

數百仞俯視宜江桃嶺昔曾立營壘級尚存嘉慶縣志

七里嶺縣西北三十里宜江砭石諸水會於縣後縈紆

六十里經嶺下又數折入於湘嶺皆赤石方正層疊嶄

然百尋右峰屹如華表為縣治門戶嘉慶通志傳云大禹鑿

同治常甯志 卷一 山水

之以洩邑內諸流雍正縣志謹案總志作巖石嶺禹鑿石詳古蹟

右縣西及西南西北之山

環秀山縣北五里一名樟木嶺一統志

烏髭山縣北十五里乾隆府志一名烏土山一統志烏土山嶄

然孤拔上有仙庵湖廣總志為湘山右輔之內垣盡於江口

之憩峰及七里嶺雍正縣志巔有方石棹仙人圍棋之處腰

有虎穴石壁嶺岫

易履中烏髭山記縣北之山少嶙峋距城十五里名烏髭者石負土嶄然削起尖聳嵌空環而繞者若拱若揖若膜拜若匍匐狀種種皆湘山右障也天欲雨雲霧蓬蓬若釜上氣覆厥巔軒豁呈露乃霽蚤歲聆人談烏髭異致心識之問所由名或曰山產烏髭藥或曰土色烏又名烏土山有仙蹤俗呼仙嶺焉丁卯秋季往登之由

卯泉五里抵山市右轉四百餘步至山麓陡絕不可
西行里許有徑旋而登及於巔石方且平廣袤尺許若
碁局踰石曲行得崖窩鄧將軍墓在焉豐碑屹然字剝
落識其旁洪武年立方諦視間樵者來指示仙庵遺址
遂導觀虎穴荆棘叢蒙刈之形如覆屋幽邃深黑不知
所窮當穴而窺陰風拂面森毛髮樵言故老嘗見虎出
入穴旁有水浸溢清冽涓滴不成流檜柏竹箭藤蘿錯
雜交映冬夏蔚然常青山高百餘仞禪林周而疏鐘搖
曳如來天際俯仰徘徊日光散亂涼風颯颯動林木野
蔓搖颺韻流崖谷眷戀不忍去嗟乎天下幽勝得文人
筆墨以傳茲山峙一隅未獲搜奇之士為寫真面目
以暴著兩閒然則今日登臨其果無負茲山否耶

栖霞山縣北二十里多松柏一統志山高數十丈石徑曲

折其巔有通天廟松柏鬱茂四時煙霞劉綸讀書其中

知縣張芳書聯云居由不負士心呼吸可通帝座嘉慶縣志

大吉嶺縣北三十里乾隆府志

同治常甯志

卷一

山水

六

鴨婆嶺縣北三十里高四十餘丈

白面山縣北三十里為一邑水口山產白石可為礎一統志

志 山石壁立千尋俯瞰清湘魚嘯子經此山照成苗正

縣志 魚苗詳物產

易履中白面山記距城北三十里鎮一縣水口曰白面
山石峙湘濱獨開一面紋理青白雜錯遙望之如組織
如圖畫如海市蜃樓造物之工莫可名狀其下龍祖潭
每風激潭水沸白捲起與山石相映發春夏之交雨集
瀟湘水漲羣魚卵育經白石照成苗漁人利之傍岸浮
竹筏撈魚所嘯之子上下百餘里漁歌互答聲逐湘流
洵湘東名勝也山無土壤而生嘉樹根蟠石上質不逾
拱把殊古峭似千餘年物壁立數百仞礪碑參差父老
相傳石齒齒不偶墮墮微鄉榜中式多寡視墮數罔弗
驗值大比年赴試舟行逕此未嘗不翹然目睽睽注焉
倘所謂地靈人傑非耶夫河清嶽降氣也氣原於天而
運於地積之厚斯發之奇茲山踞津要一縣元氣

顧為取礎者任意穿鑿豈猶得兆其祥哉按縣志山本
唐氏地明萬歷開知縣陳勳以驚石取利有傷水口乃
出宮鑲買其山封禁至今仍竊取未已也苟力培保之
精英蘊蓄常生偉人胸蟠星宿氣壯河功名事業光
天地而科第倣徵猶小耳故記之以期後之培地脈者
并繫以詩曰大塊造奇峯噴嘶聳絕壁若持萬鈞斧凌
空旋一劈玲瓏生面開色雜青與白上有旋螺堆下有
蟠龍窟臨流鑿清漪懸巖翠欲滴或云照魚苗變化不
可測或云徵鄉榜登科視硯若其說頗荒唐其理堪細
釋靈秀之所鍾未必非地脈借此礪英才瀟湘倚柱石
劉秀林白面山詩危峯聳拔面湘流雨洗風磨白石頭
春漲龍潭波上下光搖魚水浪沉浮銜來江底一輪月
鎖住宜陽萬壑秋如此名山
鍾俊傑登臨莫作等閒游

憩山縣北三十里相近有風仙山一名鳳仙山上有石

人高三丈一統志憩峯高三里許聳拔蒼翠俯瞰湘江以

禹憩得名雍正縣志有禹石
像銅鼓塘詳古蹟

同治常甯志

卷一

山水

十七

長洲褚廷璋湘中觀禹憩山色絕佳詩雲山鮮妍入春
早日向簾前呈畫稿雨餘溼翠助奇姿似潑金壺恣揮
掃我不能畫解畫意絹素時時愜幽討董巨關荆結構
工對此終嫌筆枯槁始知色相蘊生機難以人功窺天
巧去年曾踏匡廬煙峯容新沐增秋妍青螺髻子不見
頂圓光變現兜羅綿茲晨好景畧相似恨無妙墨渲染
供流傳古來畫師神悟良有以但
合滌筆臨江水煞粉調鉛從此始

添芝岡縣北三十里雍正縣志

鹿角峯在縣北高峯插天互十餘里雍正縣志謹案
總志鹿角嶺在縣

北四十里當即鹿角峯也有古樹二皆大十數圍盤生峯半巨石上

蒼翠蔚然

劉尚春秋日登鹿角峯詩秀削峯尖聳攀躋最上頭排
空山北峙迴抱水東流樹古根蟠石林深不秋夕陽
增晚翠還
欲御風游

黃石嶺縣北四十里又二十里有石嶺

嘉慶通志

仙嶺縣北四十里官莊以仙蹤得名有石高數丈覆若

夏屋可容百人有窟闊五尺投以物聲逾時始絕石壁

題刻甚古

胡椒嶺縣北四十五里高五十餘丈上有椒樹樵人爭

採後遂不見

盟山縣北七十里

一統志

壁立數千仞土人呼為冲天蠟

燭其上四面高中甚平登眺則湘隨嶽轉如在目前

雍正

縣志有三帝

王廟詳古蹟

易兼三招源河口望盟山懷古詩征帆發衡郡晚泊招

源河舉頭望盟山盤結雙鬼峩嵌空若天柱對峙影巖

同治常甯志

卷一

山水

六

崕峻嶒暝日色微風生嫩波巍巍鎮河口迴龍障水渦

中流僅一瞥未獲攀藤蘿傳說古帝王曾經此地過頒

瑞會羣后趨踰鳴玉珂四千有餘歲母乃多錯訛不

然世勿穆歆血之謂何徘徊欲回首輕舟疾如梭

盟山右五里有新盟峯乾隆頂有二巨石高數丈對峙

如門雍正縣志有三

學士廟詳古蹟

右縣北之山

湘水自永州府祁陽縣流入常甯縣西北界

一統志湘水

又北與宜谿水合

水經注湘江在縣北六十里

縣西北有湘水東有春陵水合焉

明史地理志

湘江經常甯

縣西春陵水從東來注之

今水經

春水在縣東今名菱源河自桂陽州流入徑逍遙山東

又自縣東北折而西徑盟山及風仙山北入湘一統志

水又西北得春水口水上承管陽春陵縣西北潭山又

北逕新甯縣東又西北流注於湘水也水經注新甯有

春江隋書地理志焦源江縣東北六十里源出藍山流與湘

合湖廣總志謹案通志歸水在縣東合菱源河入

右縣界之水湘水西界祁陽北界清泉春水東南界

出之水入湘入春而已春水亦稱春江春

宜水在縣西一名宜溪水一統志宜溪水出湘東郡之新

甯縣西南新平故縣東眾川瀉浪共成一津西北流注

於湘水經注湘水篇新甯有宜溪水隋書地理志水源出塔

同治常甯志

卷一

山水

十九

山北流與砭石水會又西北流注於湘明統志至縣西名

西江與東江合流嘉慶通志

黃沙江縣西五十里嘉慶通志泉江縣南二十里嘉慶通志

藍江縣西至文家橋入於宜江嘉慶通志樟水源出常

甯縣會宜水輿地紀勝樟水源出本縣流合宜水湖廣總志

謹案樟水即樟樹下港水白洪瀟橋流來

東江水在縣東一名潭水一統志縣東臨潭水元和郡志潭

水源出桂陽軍流至常甯縣與宜水會輿地紀勝謹

軍雍正開割桂陽州地入常甯則源在本縣矣潭水一名砭石水源出天倉巖

透迤而北繞縣治後其上謂之曲潭又謂之曲江其下

謂之北河西北流與宜水會謂之雙江口嘉慶縣志

伊陂江縣南三十里湖廣總志

右縣中之水宜水為大潭水次之宜水出塔山左右

北至泉江橋泉水注之又北至文家橋藍江水注

之又北逕縣城潭水會焉又北至樟樹下樟水注之

又北逕七里嶺至江口入於湖潭水出天倉巖至

麻畚田下會鐵江天塘諸水北流至水口庵潭下江

水注之又北至柏樹園西江水注之又北為伊陂

江又北至烏龜山濠口江水注之又北逕縣城會於

宜水亦曰宜谿宜江以在西又名西江俗呼

西河潭水亦曰磁石水以在東又名東江以繞縣而

北俗呼北河兩水合流曰雙江口亦曰雙河口行水

金鑿卷百五十四常甯縣有四江縣治東為東江西

三十五里為藍江西門外為

西江南五十一里為伊陂江

土陂江在縣西其源有三一出永州府石鼓諸山一出

同治常甯志 卷一 山水 二十

縣南至鷺苑合流一出液麻山至土陂入湘嘉慶通志吳水

在縣西源出永州府祁陽縣北流經縣界入湘水一統志

吳水源出永州府界流至縣注湘湖廣總志吳水在縣西南

一名土陂江其源有三一出甯遠之石鼓園一出本縣

之南冲園至鷺苑合流一出杉樹之液麻山至土陂合

流東入於湘嘉慶縣志謹案舊志合吳水土陂江為

核其入湘處當在大堡與土陂江源流迥別似不可混為一也

小白水在縣南西流入湘嘉慶通志上白水一云小白小字

誤當從上嘉慶縣志謹案縣西南有水自獅子園獠

縣規下至祁陽縣黃家渡會白水入於湘名上白水

田尾水縣北三十里源出楊柳井水從沙湧味甘大旱不竭流逕蓬塘涼水陽武坪至迴龍觀下入湘

鹽湖水源出縣東鹽湖流逕縣北添芝岡火田洞淘錫坪至迴龍觀會田尾水入湘

豬婆堰水縣北四十里舊多豬婆藤故名源出大泉衝北流至老埠頭入湘

右縣西縣北入湘水之水

清溪江縣東五十里流合焦源入湘湖廣總志

滋陂江縣東五十里嘉慶通志

象江縣東北五十里嘉慶通志為縣左襟界水雍正縣志

同治常寧志

卷一

山水

右縣東入春水之水

南苑港縣南十里嘉慶通志

龍家港縣南二十里雍正縣志

龍王港縣西北二十里嘉慶縣志

步雲橋港縣北城外雍正縣志

右入宜水潭水之港

鍋底潭縣西十里乾隆府志

虎頭潭縣西五里虎頭石下乾隆府志

菱潭舊學宮左乾隆府志治南里許學巖之下嘉慶縣志題名見金石

山潭在縣東一統志

憩峰潭縣北三十里深不可測嘉慶通志柏坊市西府志憩

峰之下吾師多集於此嘉慶縣志

龍祖潭縣北白面山下有老媪於潭畔拾大卵以雞伏

之得蛇乃龍子也送之潭中媪死湘水大至壅沙成墳

潭因以名至今沙平則水至水退沙仍高壅如墳嘉慶通志

大漁灣潭縣北五十五里巨石互中平闊可數畝久旱

則見名曬禾石春濤衝激聲聞數里

右潭銅底虎頭菱潭宜水潭也曲潭潭水大曲俗名迴水灣也憩峰龍祖大漁北界湘水潭也

滑石灘縣南二十里水勢搏擊險不容舟一統志

七里灘縣北三十里當北河西入西江處淺流飛瀉勢

同治常甯志 卷一 山水 三

若呂梁灘長七里一統志 謹案舊縣志作北出口為是

鱸魚灘縣北六十里近西江入湘處一統志 謹案六十里以水程言

右灘滑石宜水灘也七里鱸魚宜水會潭水將入湘水灘也

麻洲縣西四十里隋新甯縣故城在此嘉慶通志 故城詳古蹟

河洲縣西北三十里相近有沼洲嘉慶通志

陽隔洲縣東南七十里乾隆府志

灣洲縣南三十里乾隆府志

桃花洲在縣城西嘉慶通志西江上舊有書院乾隆府志 書院詳古蹟

谷家洲城西北雙江口上嘉慶縣志

季孝經記潭水東來宜水西入匯於城西北關外雙江口谷家洲適踞其際洲勢袤九百步廣竟畝高如堵騰

雖大水不沒洵城邑一大關鎖也形家謂洲高則財聚
宜種樹先是洲木鬱蔚邇延野綠遠混天碧望若翠屏
鄉間之粟陳陳而貫朽城廂亦繁富雅有桑麻入畫難
犬皆仙景象會幾何時童然盡矣虛耗之氣乘之固運
會使然無足怪咸豐乙丑歲余與同事修防堵察要隘
觸目興懷募人栽植而禁長之不十年復成林蔚然深
秀而城鄉豐豫之象駸駸乎亦如初豈是洲榮枯其竟
民財所視為盈歟夫人平居無事高談仁義詭論道
德一有言利者介於側非鄙則笑予獨謂不然司徒九
職生毓為重洪範入政食貨為先何莫非為富民計苟
無利之心有利之勢因而導之聖人不廢安在盈虛消
息之不當早為計也乎昔越王歸國山川重秀世祖中
興佳氣鬱葱國家將興草木效靈地無大小惟人培之
余於谷家洲不禁深長思也

右洲麻洲河洲湘水洲也灣洲桃花宜水洲也谷家潭水洲也
會宜水

同治常甯志

卷一

山水

三

大浦縣西五十里嘉慶通志

槩了浦縣西北二十五里雍正縣志

衙浦縣北六十里雍正縣志

右浦大浦湘水始入縣界浦也槩了宜水浦也

倒湖縣東一里一統志

鹽湖縣東二十里乾隆府志案總志作筵湖

煙竹湖縣東三十里一統志

小湖縣東三十里乾隆府志

琉璃湖縣東四十里又四十三里有砂磯湖又四十五

里有龍泉湖一統志謹案砂磯總志作沙溪

石臺湖縣東四十五里乾隆府志謹案總志作石頭

涓水湖縣南五十里

一統志 謹案涓水湖舊縣志未載總志在縣南五十里其地與桂

陽州接山谿陡曲石齒碎磷湖闊不逾丈窪若符井晴無滴流雨集水瀉奔騰觸石擘聲轟然至湖口伏流一出菱源河一出天倉巖為砭石水

鵝湖縣西一里水清如鑑

嘉慶通志

右湖

今多湮塞地名仍有稱之者

四十八池縣東十五里

一統志 謹案總志作四十八蓮池縣東十里

應龍池縣城南山巔四時不涸

一統志

右池

靈龜泉縣城東門內有石龜口足皆有泉迸出又逢源

泉在縣東

嘉慶通志

同治常甯志

卷一

山水

五

通湘井縣東湘山寺前與湘水通湘水泛漲水輒濁湘

水澄碧水遂清

一統志

冽井在南門內

嘉慶通志

靖開兵憲邊公命工鑿井火災遂息

雍正縣志

知時泉在縣南夏冽冬溫

一統志 謹案總志在南門外

銀塘井縣南十四里曾出水銀井在塘中水從小石穴

出灌田十餘頃因大旱鑿寬石穴水立竭土人丐張鏃

為文禱之水出如故

蠟樹井縣南二十里

嘉慶通志

沒水井縣南二十里

雍正縣志

洋泉縣西四十里一統志

大泉縣北三十里雍正縣志

樂井縣北三十里去井數百步三潭深不可測俗呼龍

窠井源於此雍正縣志

黃丹泉縣北四十里嘉慶縣志

金眼井縣北四十里官莊澄澈香冽灌田百畝

明泉縣北十五里洲上其大如卵故名清泚甘冽可消

暑悶灌溉極溥

身履中觀明泉詩造物若匹雛乾坤一大卵孰知此靈泉肖形乃不左澄清注齋淵沸白散珠顆觸石響潺湲隨風漾淡沱入口漱甘香下咽消煩瑣徘徊愜幽趣會心獨在我

同治常甯志

卷一

山水

三五

右泉井

老江陂牛石陂在縣東嘉慶通志 衡頭堰在縣東又長江

東陂山塘水江賀家鄧家諸堰嘉慶通志

雷侯胡陵龍虎樟木沿溪石壁小江等陂在縣南嘉慶通志

在縣南又塘頭板橋東山馬陂洲邊沿溪泉江

詭堰嘉慶通志 矮陂堰河口堰在縣南嘉慶縣志 湖陂堰在縣南

洪溪陂在縣西嘉慶通志 黃土陂在縣西雍正縣志 上值堰在

縣西又鄧家大陂馬陂諸堰嘉慶通志 洪陂堰雷陂堰道貴

堰夏家洲堰在縣西雍正縣志 石泉堰在縣西東塘

大石牛石龍應等陂在縣北嘉慶通志 江東堰在縣北又

龍安涼水高橋會成厚村山陂新塘嵩塘義田嚴家街

諸堰嘉慶通志

右陂堰

沙塘在縣東又南塘泉塘大陂油榨瓦罐石花石溪杉

樹梅塘滿竹香花賀蘭上長長渡下長大升諸塘嘉慶通志

白沙南塘在縣南又大秧水碓沙塘後村斑竹銀塘上

栗山諸塘嘉慶通志天塘在縣南嘉慶通志鐙草塘縣南五十里

闊十餘丈周圍產鐙草故名泉水飛瀑而下流入砭石

水

鵝湖塘在縣西又月塘南塘印盒谷元茅塘大車社公

同治常甯志

卷一

山水

三

龍塘上東上值鐵鑪鷓鴣鴻鶴樟木茅山菱角曲市上

潛諸塘嘉慶通志鄧塘在縣西雍正縣志

蓬塘在縣北又大泉新石羅陂彝陂西嶺梅陂上官諸

塘嘉慶通志高馬塘在縣北雍正縣志鄒塘在縣北闊數畝灌田

百頃

右塘

八景

天開石榜名學嚴淵涵歛澹之中有石長

訓導陳繹詩石榜高懸學舍邊不施斧鑿出天然煙籠

遠訝鮫綃薄苔蝕渾疑御墨鮮赤水磨崖堪伯仲齊安

張問明詩誰識媧皇煉石初碑鐫宰相暗中儲溪頭宿

雨苔蘚溼好拭
蒼崖淡墨書

地湧魁星 卽雙蹲石拔地丈餘人形卓
知縣張問明詩 燦燦文星結石胎斗杓上接

五雲開慙慙拱立山頭望直待羣英入穀來

湘寺曉鐘 卽之獅吼鯨鏗錚鏘間數十里
知縣張問明詩 誰將路鐸振聒餘霧冷煙迷夜氣初幾

杵聲從雲外徹穿櫺窗幔破華胥劉登瀛詩 一利倚南
天疏聲帶月傳公庭停夜角比戶發寒煙佛老

備閒靜僧閒浪習禪高軒待旦者危坐聽啼鴉

菱潭晚漁 石榜之前深邃洞黑是日菱潭漁舟泊其
知縣張問明詩 潭深碧藻水鱗鱗傍晚棹舟放釣綸餌

得魚來須換酒明朝共醉蓼花濱 崔弼詩 寒潭澄淨鏡
中天徹底光涵月影圓垂柳舞風枝 晏岸飛花點水片

流川淵源龍臥騰春浪 欬乃魚歌樂夜船 此景可通銀
漢近泛槎常到斗牛邊 李繼聖詩 數艇長歌出水抵夕

陽收盡起寒颺棹翻花浪銀蟾碎魚隱龍宮鐵網移斷

同治常甯志

卷一

八景

三

岸孤城生遠響鶴汀鳧渚亂差池遊
人莫問桃源路絲竹琅然夜半時

桃洲春浪 城西水中有洲雙流夾之兩岸植桃每春
知縣張問明詩 雨水掩映紅浪飄泛疑入桃源仙境

言此去朝宗遠一息長乘萬里風 詹名實詩 城西流水
夾千樹枝枝葉葉潤朝露炫耀洲上繁如堆 江北江南

錦作步漁舟恍入武陵溪 驚聞犬吠更雞啼 錦幔往來
迷上下赤城明滅鎖東西 新晴春色野人家 遊女疑粧

浣絳紗落照枝枝寒 瘴影一江瀾瀾泛仙花 渚沙如雪
水如練紅白交流互爭豔 江光倒燭天 夜明赤鳥未飛

朱霞散桃花冉冉紅 似纈桃葉盈盈翠 欲綴石闌橋畔
楊柳依拋珠解佩 傷離別感嘆 浮世如花 萼敷榮未幾

風雨落墮坎墮茵 何足論紛紛 祇合同飄泊 桃花飄泊
杳無涯 蜂蝶無耐 逐花枝 一株溪上 嬌顏色 惱殺隔水

看花兒可憐 昔日繁華子 今古榮悴 都如此 切莫癡作
斷腸人 沿流 傷心 怨江水

泉峰夕照 縣南三里許 日夕返照
樓亭閣悉入畫圖

知縣莊祖詔詩城南峰嶺隱流泉高聳龍池更自然遠
澗圍田寬眼界落霞遶洞廣人煙空中幾見瓊飛檐靜
裏常聞樹噪蟬何下遊僧來結社隨風花鳥舞踟躕知
縣張問明詩危峯秀出四山卑俯瞰宜城若挂眉早是
江頭多曠色卻
餘飛練晚來奇

西橋夜月

橋跨宜水在縣西門外
長虹飄渺動人秋思

知縣張問明詩長虹百尺跨津渠荻葦水魂兩岸舒一
碧天光身上下疑從擲杖到清虛李友桂詩官水涵秋
色平橋臥夕陽碧雲
開玉宇冰鑑放清光

南嶺霽雪

負郭稍南雪
後登眺最勝

知縣張問明詩積雪經春未肯殘我眉此地
一齊看雲林霽雪開新樣應作城中畫屏觀